

李文恭公遺集

李文恭公文集卷十二目錄

湘陰李星沅石梧著

男榛概桓編次

粵西軍書

向欣然提軍

周敬修中丞

吳仲銘方伯

向欣然提軍

向欣然提軍

周敬修中丞

楊中貺廉訪

周敬修中丞

徐仲紳制軍

吳仲銘方伯

向欣然提軍

楊中貺廉訪

向欣然提軍

向欣然提軍

向欣然提軍

徐仲紳制軍

向欣然提軍

周敬修中丞

向欣然提軍

楊中貺廉訪

向欣然提軍

向欣然提軍 正月十四日

十一日奉寄數行頃得初十日惠書備挹謙光雅量逾
滋慙竦惟初六初七初八初九等日所寄各函未卜均
覽入否兩日無雨今朝大晴想運籌先定卽當一戰成
功翹盼之至承示官兵改由平南直進較上游自爲便
捷兩股兵力亦厚不比五路兵單惟郡城仍須畱勇分
段防守以杜奔竄其伏礮處所必須從旁襲之火箭能
遠不能近尙可無慮聞其又製號褂以混我兵諒有密

記分付矣。礮只宜守隘軍中搬運爲難。平南偏處下
游尤望加意。大約官兵一擊賊必退踞花洲。其交界州
縣迭經嚴飭堵截。梧藤各路幸陔必爲之備。周敬翁暫
駐省署添造軍械並候宿州亳州各勇計須月底至行
營矣。前因太平告警飛飭德鎮帶兵往剿。昨據南甯守
及德鎮來稟轉據宣化紳民呈稱聞欽靈大夥賊匪將
至南甯滋擾。暫畱該鎮彈壓已批令探明續報。並一面
擇要防堵以待桂平事竣卽分兵馳剿也。承示楚南弁

兵拔補一節卽照咨督撫提三處裕東翁已調浙闕此
事或可允行

周敬脩中丞 正月十六日

十二十三十四三次奉寄手書想邀電入頃接大咨錄
示初十日奏片一件自當

恩允所請文武可期得人但以速來爲妙想尊處已抄
片分咨矣此次奏報到任摺如何聲敘尙祈密爲錄示
以免措詞兩歧現因欣然兄遵

旨查明湖南隨剿將備先行咨請奏獎並欣然令郎一品廕生向繼雄亦擬據稟保奏俟日內開仗報捷卽會臺銜繕摺遞發其摺稿由沅僭擬不及先呈斧政大約總據來咨實說也辛陔已謝署篆應否並列前銜亦祈酌示

吳仲銘方伯

正月十六日

頃接十三日惠書藉悉種種敬脩中丞捐米一節昨承函及沅亦覺其可行旣而思之頗多應商之處如每石

米作銀一兩八錢須大錢三千五六百文已屬過昂又
加雜用銀六錢必干部駁至米石捐生運倉其由倉分
運各營所費甚鉅計無所出且米石必有餘贖久貯亦
難官爲收買更多虧折不可不和盤計算區區之見與
其捐米難行莫若將軍興銀貴實情縷晰上達請以大
錢一千六百文作銀一兩捐米亦按時價作銀交收似
於捐局捐生均爲兩便不致行之窒礙祈進見時婉陳
但期於事有益沉固毫無成見十四日曾寄中丞書已

約略致之矣姚道等十數人如可應調來粵自無須另
請揀發中丞如赴潯郡由柳甚便沅亦藉偕良晤跋何
如之省局前解火器烏鎗尙可備用擡鎗則太草草已
嚴飭張都司當求精不求速也連日雨止潯郡度已進
兵盼捷如歲

向欣然提軍

正月十六日

十一十四等日均有寄函頃得十二日辰刻復書並會
稿各件知精心周備卽日進攻恰好五日晴明想已膚

功克奏此閒濡筆以待捷音連據潯州探報或云賊分
一二千人他往究竟竄往何處是否潛伏以待我兵抑
或旁擾以分兵力皆未探明令人懸慮又云大黃江墟
止畱老幼婦女數千人然則強寇數千人此時已往何
處耶大約道聽塗說全不足據卽平南相距不遠忽云
賊匪往攻忽云恐無其事所謂偵探安在宜閣下之念
王外委也承示當候咨照辦前片發已旬餘報捷實難
再緩禱切禱切廣西春夏多雨軍中雨具必先飭備如

草鞋腳馬之類斷不可少否則賊可動而兵不能動矣

又 正月十七日

連朝天開雨止正盼捷音頃接十四日辰刻惠書知已
定期進剿又爲十三雨阻此閒相距不遠天氣竟不相
同未卜日來行止何似每念兵勇多至萬餘人相持多
至數十日支用多至十數萬若再延未掃蕩雖由天時
使然何以上紓

宸念五中焦灼如坐鍼氈想盡懷必同之也聞賊匪多

竄花洲以後更難著手高明何以策之承示張守所云
此糧臺酌辦之事非沅所能懸斷也再大兵全由平南
倘賊直攻潯城豈不可慮且江墟亦必撲空莫如仍分
一股由潯州使其兩面受敵賊勢必分或兵力不足卽
以閩勇六百爲助否則多設疑兵揚言五路進攻近城
隘口嚴堵府河渡船撤盡城上礮械旗幟愈多愈妙羅
大現住江口南菁舊與水勇同夥祈密飭畱意千萬勿
露

周敬脩中丞

正月十七日

目前籌餉最急非奏減銀價不能收捐誠爲卓見但捐米亦多窒礙昨與署方伯書約略言之如大疏未發自可再酌已發則俟部議能捐米則照時價收銀亦兩便之道也時會多艱人心思變承示遠謀深慮誠邦有道之危言謹當藏之心曲鎮靜籌辦不敢一字漏洩恐滋他慮連朝天開雨止潯州想已進兵但恐賊竄花洲又成負隅之勢耳

楊中貺廉訪

正月十七日

昨得初八日惠函知歲底各書已達頃又得十四日翰
示知十三日潯州又雨此閒自十二至今陰晴相閒卻
無點雨乃兩地天氣不同致令大兵株守老師糜餉憂
心如焚提戎布置周密專待晴霽開仗固無俟沅之函
催也知盡懷同切諸凡相機商辦不盡之意思在鑒中

周敬脩中丞

正月十七日

頃接十六日來翰知捐米作銀一案尊意卽當會奏未

卜昨書所陳可否采聽以賤銀買貴米誠爲失算以賤米抵貴銀亦難持平目前急需在銀不在米如果大兵之後不可必得豐年或就南甯太平梧州三屬准令銀穀兼捐似亦足備緩急但恐大家捐米不捐銀軍需仍無所出耳至分局收捐沅已於月初入告茲將奏稿並寄一分奉覽此時捐米捐銀皆於前摺無礙統乞酌裁前請續撥軍餉三十萬本日已奉

諭旨飭令東省就近撥解先行恭錄奉寄後此如有急

需仍可函商東省此時報接印摺似無須遽提也廣東兵不能借正慮分剿兵少幸蒙

恩旨令貴州泰鎮帶兵千名前來總須痛掃賊氛早蕝軍需爲當務之急耳潯州大兵專候天晴開仗深以捷音爲盼

徐仲紳制軍

正月二十一日

新正八日曾泐一函隨公牘同發諒塵青電辰維勦履春融定符頌祝此閒金田股匪大兵漸集適爲積雨所

阻日內始行進攻盼捷如歲而各糧臺軍餉已罄司庫
空如無可墊發敬翁屬司出印票亦恐告貸無門捐局
若易而捐米則更無得銀之日躊躇四顧憂心如焚明
知盡畫萬難然事在急切不能不立待援手且爲日甚
長未來先墊卽如數借撥亦難支持況不如數耶

吳仲銘方伯

正月二十一日

揀發不便多請前初九日一函曾乞婉陳未知不沈閣
否續請三十萬已有

旨由東省關稅籌撥似可由尊處派員兼程前往請領
一面飭催各屬已徵錢糧若干及潯梧兩關收稅若干
暫爲提墊至印票借貸如其有得固不妨如中丞所云
也蠲緩斷難再遲務望酌辦卽商中丞定議沅心緒如
絲日望大營捷報他無足述

捐銀易而捐米部議亦必不行徒多展轉致捐無成局
耳蠲緩騰黃可略遲然必先出示停征一面議詳請奏
以塞眾望潯南兩局月內度可敷衍東省撥解一節已

兩方六百里手面顯作矣

向欣然提軍

正月二十三日

十四十六十七三函度均電入廿一日接十七日惠書
並得潯州探稟知十八日辰刻已經督飭大兵三隊進
攻步伍整齊鎗礮齊發業已頓挫賊鋒連日若無雨阻
自當嚴速催剿再接再厲我兵人眾糧足更替輪攻賊
巢屯聚無多火藥等項易盡勢必窮而自潰但不可一
毫鬆勁使彼以逸待勞其伏礮處所早已探悉儘可上

下左右鼓勇旁襲不至迎頭相遇尤以水陸夾擊分起

閩勇竊和日內已趕到

連環爲勝算兵勇力量皆在鑒中如何布置策遣統望
碩畫妙用沅惟濡筆以俟捷音卽照咨繕摺會奏也平
南案已飭司提審矣

再賊匪如果分竄必須察看虛實人數多少分兵設伏
尾追但防計誘耳記號須勤換免其仿製

楊中貺廉訪

正月二十四日

連得十七十八二十等日惠書備叨厘注官兵十八進

勦雖未十分得手然水陸兩路殲斃賊匪多名卽弁兵

閒有傷亡尙不至於挫失正宜加倍養銳相機再攻第

一絕其搶掠使彼無糧無火藥勢必坐困可一鼓殲之

如賊竄湖州卽須飛致提戎分兵堵勦或兩面夾擊

也惟潯州兵勇較單閩勇似須畱守博勇亦可暫畱助

千萬不可大意

卽博白勇坐船

勢河下渡船必須嚴飭撤退聞賊奪我勇船恐其水陸

確否

分擾水勇船是否出力有無故意遷延使我歧誤亦望

加意密查萬勿漏洩爲要搖勇約可到潯當卽飭令迅

往平南也郡城內外巡查必嚴恐有奸民內應關係不

小切囑切囑

向欣然提軍

正月二十四日

廿三日奉布一面頃得十九日惠書備悉一切十八日官兵進剿雖未能掃穴擒渠據來示所云及各路函報均稱殲斃賊匪數百名業已搶上牛排嶺遇賊伏礮收兵回營查點弁兵閒有傷亡是此仗尙無挫失卽收兵回紮原營亦知進知退之道並無不合自宜略爲將息蓄養精銳以決全勝連日柳州陰雨平南諒亦相同竟

以空礮擾之或行詐誘之

不妨靜以待動俟其出巢搶掠我兵立即往攻斷彼糧
草火藥使之坐困此目前第一要法千萬千萬當大隊
退回有無逃走之兵務望確查嚴究即劉守水勇船何
以辰刻未到有無故意遷延亦望就近查察現在平南
一路大兵駐剿儘可放心潯城究屬空虛所有已到閩
勇五百餘名自應暫畱防守其臨河船隻會否撤盡勇
船是否被賊焚搶恐其併擾水路不可不加意嚴防該
處現有臬司分駐沅因南太一帶警報頻來上林謝長

萬勿刻誤

如賊敢窺潯州務即分兵馳救

腰四一股近在思恩武緣等處亟須設法勦洗潯郡相
離較遠沅似未可輕動比得周敬翁書卽日來柳會商
或卽屬其赴潯但聞所雇各勇亦均未到一切攻勦事
宜總祈大才鎮定激勵將士同心合力重振軍威一面
將此次官兵鼓勇獲勝遇伏暫回情形及逼近賊巢再
行相機攻勦賊營佔踞高嶺一時未能掃蕩各實情飛
速咨示以憑會銜入告先慰

宸厯

又正月二十五日

廿四日連寄兩函度均青入大凡主將之道必通籌全局靜密堅深此心百折不回乃可一力做到閣下實能當此而十九日來函語多負氣似非所宜自須中伏機謀外示鎮靜強寇雖眾我兵勇亦不少或俟彼出掠以搗其虛或絕彼糧食以使之潰或仍水陸同時夾擊或由石陂分路環攻總須攻其不備不可攻其已備如牛排嶺伏礮沅卽言之屢矣潯州空虛可慮或畱閩勇防

護或分滇兵往守仍是兩面接應若止顧一面設有疎虞其可問乎至此次奏報原以爲日久必將如何接仗先勝如何遇伏退回如何移近相機剋期攻剿從實叙咨飛示我輩以誠事

君總不可稍涉粉飾及意存畏蕙蓋懷必同之也至軍情密之又密務祈加意嚴防不可爲人窺破卽如往來書札除世兄代筆他人切勿與聞辱愛如同胞故敢瑣瀆萬祈采聽周敬翁雇勇未到亦難單騎赴潯他處無

兵可調均在鑒中李周兩鎮晨夕相處務望引爲同心也

又正月二十五日

廿四連寄兩函本日辰刻又付一函想均鑒入沅反覆籌度該匪聚集大黃江業已月餘就近糧食搶掠殆盡當此重兵逼近勢必竄而之他平南旣不能來難保不窺伺潯郡藉圖劫奪目下江口最扼要必專責劉守帶水勇船在彼堵截以杜水陸分擾加令賊渡而南卽惟

該守及水勇是問八步勇幫助亦可若兩岸團練則甚
不可恃恐尙不如鬱博勇也重兵全在一處何能兼顧
府城或令滇兵分守俟開仗定期仍分一路進剿較爲
兩得千萬早爲籌度免致臨時張皇周敬翁暫難赴潯
無兵無勇到亦無益明人無煩細說也沅寢食俱廢惟
祝天心默佑早放晴光俾官兵得藉指揮迅獲全勝且
盼且禱

徐仲紳制軍

正月二十五日

月之初八廿一兩次上書計登電照連日糧臺告急左
藏缺如卽春夏兵餉先發一季亦分毫無所出勢必脫
巾爲患大局所關不堪設想萬乞便宜援救無論何項
暫行借撥三十萬俯飭委員迅速解運一面專摺上
聞斷不至干

宸怒也事變之來間不容髮知關蓋念前函如已允行
并乞傳諭前途一律催趲前進禱切禱切

向欣然提軍

正月二十六日

頃得廿一日惠書知侯壯勇到齊天晴開仗惟潯城空
虛可慮設賊攻我不備直竄潯城張劉勇船何以不扼
江口而轉泊下游之相思洲大不可解萬望飭卽速回
江口駐劄如劉守任其所往失機之罪恐不能當非沅
好作危語也敬翁暫難赴潯重兵全在平南卽使敬翁
能往其能以一人爲萬人敵耶賊匪已至羅洪水窺伺
郡城未知尊處有所聞否

周敬脩中丞 正月二十八日

頃奉廿五日復書藉悉據鞍矍鑠偉略雄心誓必手除

賊匪非書生所敢學步惟宿勇未到隨護尙須運籌如

官兵進止久屬欣然主之未敢促之使戰

必由柳赴潯卽以黔兵二千名並周署鎮各將均由節

府城緊要已由柳添募官兵五百名馳

旄策遣暫資坐鎮潯城大營仰賴虎威將士可期壯膽

往勘守合之有城兵易計不下三千人

欣然亦藉有稟承也徐壽官兵緩不濟急且奉

旨添派黔兵千名尙未抵粵礙難再請調發從前寶山

之戰卽由徐州兵先走聰聽自早及之至雇勇均由外

或於奏報出省單附片陳亦可

辦例歸報銷而未先行入奏統祈酌裁沅以南太訛言

正須確探謝長腰四一股擾近思恩昨派兵勇往勦尙
無接仗消息心甚懸切平南十八之戰已據來咨會奏
矣

向欣然提軍

正月二十八日

廿四廿五廿六連寄蕪函想均青及連朝陰雨自可靜
鎮安營相機籌勦因變設伏勝於角力古人明修棧道
暗度陳倉卽此意也潯城緊要必令水勇船扼住上游
防守不可移泊下游讓出水路要隘諒已飭令遵辦由

柳派往官兵暫駐潯城切勿調撥他往平南一面合閩

宜多力鼓舞之令與楚兵合力為要隨克在和不在

搖壯勇多逾萬人兵力不為不厚所待人和與天時耳

取古人無虛言也

軍情久未奏報本日即照廿二日來咨敘摺會奏並楚

兵出力遵

旨保舉一摺同發後此開仗得勝務於一二日內詳悉

飛咨或有弁目應卹亦須分敘戰時光景以免僮侗上

干

宸詰至囑至囑

楊中貺廉訪

正月二十九日

日來連接惠書曾於廿六日稟復頃又得廿五申刻來
示藉悉一切提戎統帶重兵總須靜鎮堅守相機行事
書來頗多疑慮未免惑於謠言已再三囑其安心定氣
矣潯城空虛可慮由柳派兵二百及由象州移兵三百
到後務飭嚴守並水勇礮船必令仍泊石觜以防分夥
竄擾不可改泊下游滇兵回潯畱守一面整理軍械已
咨商提戎未卜能照辦否兵與潯遠賊與潯近此心時

切懸懸武宣獲犯所供業已飛咨湖南撫提及札東省
交界各屬矣貴縣團民蔡安華監生張學敏擒匪出力
沅已給發功牌並聞

向欣然提軍

正月二十九日

廿四廿五廿六廿八等日均有寄函想承青照頃得廿
三日辰刻惠書反復讀之殊深懸念以閣下老成威望
統領兵勇萬餘十八開仗並無大挫如添補軍械招補
兵額皆營中所常有何忽疑慮至斯將乃兵之膽未有

將勇而兵怯者札詢各官原可不必賊匪雖眾合之眾
日從無二萬之說是日接仗彼此俱用全力豈有出敵
少而隱伏多之理犯供張大其詞不過意存恐嚇卽武
宣獲犯鄒觀南據供賊日適通湖南吳姓邀匪二千人
須三月到此好與官兵打仗等語如果現有二萬人又
何必坐待二千人一言已得其實軍中浮言搖惑斷不
可信惟賊眾鋌而走險我兵相距甚近必須堅壁固守
待時而動倘以地形難恃亦可擇要移營滇兵若果如

此應卽密飭李鎮全數管帶由平南馳回潯城防守一面整理器械卽以閩徭兩壯調赴大營抵數劉守勇船必令移回官塘上游扼住水口仍以壯練防護務令南路肅清運道便易否則我不能困賊而轉爲賊所困潯城平南皆不堪設想矣沅於賊營伏礮宜避潯城防守宜嚴函致再四而來書總未見復現在伏礮已中潯賊更爲吃緊千萬千萬沅居中調度功罪惟鈞至臨陣衝鋒閣下實有專責伏讀正月十八日奉到

諭旨飭令貴州秦鎮帶兵一千名速赴廣西協同向○
督兵分剿等因欽此

九重倚畀之隆惟有鎮靜籌辦不動聲色諒茲小醜何
能久延且聞賊黨接仗後頗有潰散卽廖八亦已逃去
我兵但能堅定必有時會可乘擡礮紅鎗已屬省局撥
解帳房布頂卽由柳州趕製隨營糧局亦須就近飭備
以期速齊武宣貴縣等處團練密令紳士迅往商辦貴
州秦鎮官兵亦由六百里三次札催矣

正封緘開接訥廿四日復書載聆一切賊匪勢強人眾
沅固早知其詳是以屢次函商無一層不慮到無一語
不說到若如來示所云官兵大半心寒已難得力又將
如何施措況南甯太平鎮安等處迭次稟報均稱欽靈
匪徒竄入盈千累萬請發援兵正在籌撥萬難豈能棄
之不顧閣下統轄全省沅係奉

旨前來會同勦辦自當居中調度若以大員重兵聚處
一隅更無他處策應似非行軍所宜聞周中丞廿八日

由省來柳會商或可分赴潯郡容再飛布

12

13

李文恭公文集卷十三目錄

湘陰李星沅石梧著

男櫟恒榛編次

粵西軍書

楊中貺廉訪

向欣然提軍

楊中貺廉訪

向欣然提軍

向欣然提軍

向欣然提軍

徐仲紳制軍

向欣然提軍

向欣然提軍

向欣然提軍

周敬修中丞

周敬修中丞

向欣然提軍

向欣然提軍

周敬修中丞

周敬修中丞

向欣然提軍

周敬修中丞

向欣然提軍

楊中貺廉訪 二月初一日

廿九日巳刻奉復一函想鑒入連接提戎來信暫無接
仗之期兵勇仍令前往潯州似未慮及昨由柳州派兵
五百名日內度已趕到務望嚴飭防守鬱博勇亦暫畱
防以壯聲勢如小夥偷渡卽宜密飭截拿無任來去自
由且至斷我餉道風聞桂平有上民驅逐客民之說此
必賊匪造言搖惑人心陰圖裹脅亟宜飭縣簡明示諭
以安民土民歷久相安從無猜忌現當賊氛滋擾必須

聯爲一氣合力同仇此示最關緊要切囑切囑沅居中
調度風鶴紛來南太泗鎮均戒嚴卽謝長腰四一股偏
近思郡兵勇馳勦亦尙未有確報也朱守德璉計日當
抵潯進見此人老幹可與謀

再聞賊匪有分竄大烏村搶蒙姓米穀之事果爾則平
南大營何不分兵追擊恐係訛傳然必時刻防備誠能
堅壁清野使彼無所得食雖虎豹亦止空噪而無如州
縣泄沓何也祈設法嚴絕之

向欣然提軍

二月初五日

初一初三日兩上復函想電入頃接初一日惠書親如面叙大營現在光景沅固心知其難自恨未能隨戰稍資臂助是以密函之外兼用咨文並札兩鎮又札貴桂兩縣上緊集團及貴州鎮將兼程來粵助剿並飛函勞方伯卽飭廣東雇來船礮買來火箭火藥各件及張守敬脩招來東勇趕赴左右聽調無非爲激勵士氣重振軍威非別有成見也承示籌辦一切悉協機宜子英世

兄捐勇尤爲可敬連日天氣晴朗自荷相時審勢計出

總

萬全周中丞今日必到俟商有定局再行飛布甚盼貴

領略爲變動出其不意爲妙

州兵將早來隨護詣潯也手痛未愈不及詳祈諒之

再賊巢堅固異常又有陷坑伏礮我兵必須設伏設計

勝以奇謀未可專恃兵勇兵不厭詐想早籌及大黃江

一面能用廣船大礮轟開官兵相機夾擊較易得手卓

見以爲如何

楊中貺廉訪二月初六日

昨接正月三十復書備徵布置周詳潯城當無他慮李
令身親帶練勇往可喜所需經費亦實情祈就近酌給
以資籌辦象州乞畱兵百五十名計到潯不過二百名
交湯遇珍管帶如潯河南岸團練必需官兵爲助卽望
傳諭湯守備移兵同駐而以永寧義協官兵二百名分
紮勞灘但須有勇協防聞鬱勇已經周中丞札飭撤回
未卜行否大營能否天晴開仗此間尙無所聞殊殷懸
系貴州秦鎮軍已到柳卽屬前赴平南弁兵則未入西

境也

向欣然提軍

二月初八日

初三初五兩寄手械想電入頃接初四日惠翰知初三日賊匪撲營當經督飭攻擊小挫賊鋒時已申未自可無庸追襲免墮賊計仍祈鎮靜堅守激勵多方相機而行千萬勿過焦慮有損無益辱愛如同胞故敢瑣瑣周中丞現已商定準於明日起程赴潯可就近函商總以和衷共濟爲祝昨奉

寄諭有向在潯李在柳總須扼要分防仍復和衷合辦之

旨想由周中丞恭錄密咨矣勞方伯運送廣艇火礮及張守堯勇似可助力劉守水勇船亦望嚴飭協剿秦竹坡鎮軍昨日催令開船計已趲程到營其樸實勇往可資指臂何游擊亦尙可靠惟湖南博瞿兩將尙無消息黔兵八百亦未見報入境已迭札飛催矣

又二月初九日

初八日下午甫遞復箋頃接初五日申刻惠書快悉是日賊匪敢來撲營當經節府指揮將士用命我兵大獲全勝洵足立振軍威尤見天佑勛臣所助者順子英世兄帶勇卽收捷效共推家學淵源連日天氣暢晴當可淨除逆類一切仍祈持重不必過於求速祇須來則擊之去則誘之絕彼糧道散彼賊夥俟梧州硬艇船礮到來合張劍勇船試從水路攻打看其作何動靜再行分兵夾擊吾事濟矣日內如准大咨卽當照叙飛摺以慰

聖厪敬翁約十二三日到潯凡有商榷諸仗主持爲要

又二月十一日

初八初九連寄兩函想均電入頃接初七日午刻惠書
並大咨會稿各件遵卽查照叙摺將初三初五迭獲勝
仗情形會列臺銜由五百里具奏以紓

宸注至初六日水勇船在大黃江及各路勇練擊斃逆
匪數百名雖據平南稟報仍俟大咨及續獲勝仗同奏
也承示兩翼夾攻先避正面伏礮再於中路安礮直轟

以守爲戰以戰爲守二語實

賊巢仍將官兵分起接應備徵布置精詳時防暗計每

得機要拜服拜服

念忠肝義膽上洽

天心必默佑以成大功也廣艇會否駕到張守敬修等
所帶東勇千數百名聞極精悍似與艇船大礮可令分
搶江墟祈賜酌用各營賞項自不可少楚兵原可較多
或三省明賞皆二千金以一千作爲捐賞補獎年前四
戰之勞似更無跡亦祈酌之周敬翁卽日抵潯一切足
資商榷至行軍機宜正在得手仍仗大力主持沅因人

成事只增愧悚南太涸鎮各路紛紛請援謝四糾夥竄
擾官兵失利彌深焦急風聞余入有報復三防之說亦
須上緊籌防且俟黔兵八百過此暫爲酌用並一面再
請滇兵二千名以資各路分剿明知緩不濟急然而無
可如何想盡念必同之也帳房帳項日內可趕百分卽
當解送東省擡礮烏鎗想照收矣賢郎子英世兄昨經
保奏尙覺賞不酬勞以後功名建樹渥膺

恩眷尤足爲封翁慶

徐仲紳制軍 二月十二日

月初專上寸箋頃拜朔二日手答如親渠誨莊誦感悚
撥項備勞盡畫兼顧通籌同深欽慰惟此閒需用之處
幾同無量恆河沙甘露楊枝暫蘇一滴續請大飽未審
來自何方來在何日坐愁妙手寢食不遑金田甫報好
音驟難藏事而各路請兵告急紛至沓來非得行者化
身何能四應賀博兩縣尤切近已借助東兵追勦本境
堵截亟商提戎由潯分派肘見踵決窘狀難堪度崇懷

均此焦慮也

向欣然提軍 二月十二日

十一日辰刻一書想塵青覽頃據潯州探報該匪因牛排賊巢被焚於初八夜全數遁去初九日至古林墟小住卽當入紫荆山各口分竄等語武宣象州均近至象州團練不力兵數無多尤覺空虛可慮爲今之計必應通籌隘口以滇黔楚三省官兵分爲三路乘勝堵截跟追不使站住設備庶可以速補遲各專責任何處最爲

喫緊卽望督帶楚兵迅速追剿李秦兩鎮分領官兵亦再無可推諉行兵機要旦夕不同再無以守爲戰之理統祈大才布置萬勿稽延切禱切禱

又 二月十二日

細思象州防堵該處舉人韋任元等最爲得力聞帶猺壯前赴大營此時猺壯酌撤卽望催該紳等兼程趕回象州協同州營防堵如能擒渠殺賊卽會奏請

予恩獎亦鼓勵之一法且勝於添兵也現在賊竄入山

不追賊必負隅追則又嫌冒險阿文成公前攻大小金川均用木簣爲城步步爲營以防抄襲此時仍可飭用老手久經行陣必早經籌及也

又 二月十三日

十二日申刻奉寄一函頃接初九日申刻惠書并大咨一件傾悉逆匪畏威夜竄窮蹙自不待言但人數尙多恐其深入紫荆山又成負隅之勢且谷口可以出探非

紫荆山內猪壯如何象州猪壯似宜撤回防賊

團練所能周防官兵此時未便入山冒險止有分扼要

口斷其出路將不戰而自困然非重兵不可堵截昨經
函商左右務望相機速圖卽就紫荊山出入各口派撥
兵壯分途截剿如某省兵堵某處卽責成某省帶兵官
以杜推諉以免延誤是否如斯仍祈酌定并商之敬修
中丞也沅因賀縣請援卽經商令前次派往潯郡官兵
五百名咨請飭速前往現在象州緊要雖由柳州派貴
標官兵二百五十名今日馳往協守而兵力尙嫌單薄
正未可恃擬將潯郡湯遇珍所帶兵二百名亦祈飭赴

象州再將八步勇三百名湊足同往賀縣稍濟眉急卓
見必以爲然帳房帳頂火藥火繩已由此運解約四五
日必到順以奉布日內續得勝仗及籌定圍擒首要各
犯卽望咨示以憑會奏切祝切祝沅手痛本由風溼尙
未全愈

周敬修中丞

二月十三日

大黃江逆匪自初五日官兵全勝旋因火焚江墟聞於
初八日連夜逃去勢必暫入紫荆山分竄武宣象州而

象州尤爲可慮已飛咨提戎分兵援應現在賊已四出
斷無重兵屯聚之理應以滇黔楚三省官兵作爲三路
由提戎鎮軍分帶堵截跟追剿辦似可得力統祈就近
布置動協機宜以慰地方雲霓之望也宿勇正月廿四
日由武昌南來計期月半後可到

又 二月十四日

十三日連上兩函旋聞錦帆已過石龍今辰必安抵潯
州矣欣然兄於初八夜聞賊竄初九未卽跟追不知初

十行否賊由紫荆山竄入武宣東鄉仍是據險之意官兵必分路夾擊或恐兵分力單卽以壯勇團練扼守紫荆山要口不致賊蹤出沒大兵專攻東鄉賊勢坐困必可得手但事不宜遲遲則賊已準備東鄉又一牛排嶺矣沅昨接武宣縣稟報卽飭貴州秦鎮管帶黔兵二千二百名馳往截剿此外如無分竄仍可併力合圍知韜鈴定操勝算欣然兄可藉指南也

向欣然提軍 二月十四日

十三日辰刻已刻兩遞蕪緘旋接武宣八百里報知逆
匪已由紫荆山竄入該縣東鄉當經咨明冰案飛調秦
鎮管領黔兵二千二百名兼程馳往堵剿該匪喘息未
定糧藥未齊此時利在速戰應以重兵分爲三路一截
武宣之前防其竄擾來賓象州一躡武宣之後防其竄
回紫荆山一合兵壯練直搗武宣東鄉使之不及設備
似可一舉而得若稍事延緩則一誤再誤逆燄復生更
不可收拾矣日內未得移營信不知大旆從何路進剿

翹盼之至賀縣似已稍緩湯遇珍等官兵自宣趕往象

右兩營熟川系中正要案也

州以大勢論潯州平南兩處較緩於武宣兵勇無須過多統祈裁酌與敬修中丞商定卽連賜示以慰懸懸東省礮械計已運到望飭發滇兵足用何游擊本黔將祈諭令隨秦鎮協勦張守所帶莞勇並各壯勇可當前敵併祈加意

再大黃江牛排嶺兩處賊巢先因官兵擊敗復行縱火焚燒該匪窮蹙逃竄現在分兵追剿應卽咨示會奏

再逆匪自牛排嶺逃入紫荆山出竄武宣自是大股此外有無分竄之處尙無所聞務祈飭探明確以防奸計賊分則兵分賊合則兵合軍情善變頻望惠示

又二月十四日

本日辰刻縷寄一函想照入頃聞敬修中丞於十二日申刻舟過武宣卽在縣城駐劄督剿東鄉逆匪果爾則需兵甚急務望諄屬秦竹坡迅卽管帶黔兵二千二百名兼程前赴武宣會商剿辦所有紫荆山各口務望擇

要堵截或派滇兵兩路夾攻但須同時開仗耳陸川有
凌十八股匪竄入恐與金田逆匪串合必於大洋墟一
帶分兵帶練嚴防並將張釗弩船及廣東硬艫大礮排
列石嘴上下遇有匪徒闖渡卽行截擊勝於重兵把守
此目前第一要義千萬千萬賊勢正窮時不可失亟望
上緊追擊遲則又難着手卓見必以爲然

周敬修中丞

二月十五日

十四日午刻飛布寸牋以臺旌計抵潯州頃得十二日

已刻手教知暫駐武宣督勦東鄉竄匪自是扼要辦法
沅於武宣稟到卽由八百里飛調貴州秦鎮管帶黔兵
二千二百名迅往勦辦計十三日酉刻發文此時可望
接到向二兄亦必先期派兵前來聽候節府策遣貴州
後起官兵尙無到柳確信李副將來稟則云初九日自
古州啓程或官兵分起前行沅卽當飭赴象州河口探
明秦鎮兵未到麾下迅赴左右備用如秦兵已到則令
往象州防守恐東鄉一擊賊又就近竄象州也永安防

堵較緊修仁次之連日亦疊札飛飭矣粵西盜風方熾
即使此股剪除兵力仍不敷用是以續請滇黔再派兵
各一千名意在有備無患所有前次

准調十五員暫似無庸奏止且看辦理如何再爲計較
統望酌裁宿勇到此約在月杪行次兵勇無多暫於三
里墟防堵俟大營官兵到日如何開仗圍攻統祈密授
機宜責成領兵官會縣帶練前往節府應駐縣城以資
威鎮不在親赴軍前也恃骨肉之愛敢再瑣瑣

又二月十五日

今晨甫遞復書正慮黔兵來緩適李副將帶兵六百名
赶到進見喜出望外卽屬仍由水路兼程馳赴武宣聽
候節麾策遣如秦鎮所帶黔兵二千二百名業已馳抵
左右則東鄉剿匪兵力足用而象州空虛逆匪必圖竄
擾似應於進剿之先卽飭李副將帶兵迅赴象州預爲
防堵以免措手不及如止此六百名暫防武宣三里墟
則必俟大兵到日始可相機進剿以賊勢雖窮而人數

尙多未可以少勝之也向提戎處仍祈飛函催兵並屬
其上緊進剿無再失時蓋懷諒早照及不待瑣陳外紫
荆山路徑圖一紙奉覽武宣團練尙得力現當駐節縣
城必有來告奮勇者似可藉樹聲威又貴縣人多而勇
連界如得團練合力一面截拏一面進剿官兵較易得
手祈賜酌東鄉向稱賊藪如官兵用鄉導請飭加意以
縣中良民爲妥

向欣然提軍

二月十六日

十三十四連寄四函未知何日遞到頃得十三日由潯
州發來復翰知卽日督兵前赴武宣迎勦此必不可緩
之機會敬翁在彼會商自有擒渠勝算四面圍困斷彼
糧食亦爲上計但恐不能圍斷又曠日持久轉致另生
枝節耳滇黔兵畱後追勦已飛飭兩鎮上緊跟蹤堵擊
並飭縣妥雇鄉導及團練合力追擊矣象州最吃緊亦
經札飭李署鎮將所帶黔兵六百名迅往防堵後起二
百名亦早晚可到也南甯聞大夥將至長腰四亦尙費

手卽近處土匪頗思乘虛亟需武宣辦竣迅速回兵以顧全局其潯州江口爲陸川博白匪夥必由之路想照前咨飭防矣

周敬修中丞

二月十七日

十五日辰刻奉十三日巳刻手教當卽肅復是日申刻又寄一面想均青照向二兄於十四日抵武面領機宜各路兵勇均赶到未卜何日進剿謀定後戰自出萬全據署臬司錄寄犯供原不足信總以早了爲要久則又

將負隅且必有外匪入夥也陸川凌十八一股本與該
匪同氣尤爲可慮迭飭各交界集練嚴防並函致署臬
司札飭廣東硬艇大礮扼住潯州江口設必須兵力則
與雲貴兩鎮商撥應援慎毋顧此失彼該匪勢已窮蹙
但無生力匪徒竄合諒不能逃掌握中也象州最吃重
已飭後起黔兵八百名馳往防堵惜修仁無兵可分耳
頃據向二兄咨悉賊竄情形已會臺銜奏報摺稿另咨
再馬游擊等剿捕謝四失利本應叅革因一時委辦乏

人且無人可署缺暫請摘頂革留責令戴罪立功亦會
臺銜片奏矣都司羅起龍當卽如示另叅嚴審正在辦
稿先此奉聞

向欣然提軍 二月十八日

十六日巳刻奉復一函想已照入連日如何布置如何
圍攻翹盼捷音時殷額祝象州情形喫重沅已飭李署
鎮管帶黔兵八百名往堵與尊示不謀而合其滇黔官
兵四千二百名畱於紫荊山後跟追截擊亦經札飭照

辦惟鬱博風聲日緊未能置之不顧恐致他匪竄入其
害非輕昨咨商麾下及撫軍分兵堵辦未卜能否允行
如博白之蒲塘墟桂平之大洋墟實爲經由要道擬令
秦鎮帶兵一千二百名馳往會剿所餘黔兵一千名仍
著周署鎮會合李署鎮所帶滇兵二千名由紫荆山後
路上緊追襲以期兩路夾攻迅速蕝事統祈就近飛飭
并賜復音十七日酉刻照咨發報摺稿容卽另咨